

瓶

廬

詩

稿

夫瓊頫同輔太平之主佳話豔稱楚綺接武危亂之朝
大勲未集厯觀史冊感慨系之我 松禪夫子 文端
公之少子 文勤公之弱弟也驥足能超鳳毛濟美望
同洵軾學並郊祁父爲亞相希文不負夫秀才子登大
魁宋瑞早稱為國寶儲才翰苑養望 禁林作兩代之
帝師稱 三朝之碩德迭持文柄樹桃李之新陰進
領度支綜鹽鐵之舊論再參樞密遂進參知人望如仙
門真集慶然而宮庭水火魏公之調護為難畧場烽煙
中令之敉平乏術斜封中旨俾賣屢開諧價西園傳聞
更異 公造膝陳詞犯顏極諍罕有迴天之毅力更加

偃月之讒言斥逐一朝中外駭歎雖然雷霆雨露罔非
君恩廊廟江湖仍容自適以視會昌首輔螭瘴而適珠
崖蘭陵舊博和藥而辭牢獄以今方古似猶勝之由是
鈞軸卸茲扁舟歸去蒞艤無恙華鶴仍聞巢山椒而無
敢甯居詐生怨謗歸田舍而不遑暇食自省愆尤疊聞
神賜號田鬼謀曹社建章受箭追鑾馭以出巡閭闈
燒門餌金繒以卻敵旣無扞衛之力空存悲憤之懷況
監察之有人慮萋菲之及我得聞肆赦遽爾歸真傷已
洎乎是非大定公論聿昭復職之詔旣播於四方諡法
之頒猶遲之後日此中有不可解者至今人莫能明也

公著述甚多流傳較少先是 文端公知止齋詩十
六卷體近中唐音多古調鼓鼙風緊未平海上之孫恩
牛斗芒寒難獲江南之劉展已少承平之象漸多悽愴
之音 公之詩則春雲出岫秋月麗天抉四始之源流
怡情書畫分九霄之聲歌酬答賓朋德甫正三卓然鼎
足而觀華嚴之經有事君不終之慨讀西亭之畫有種
松守墓之嗟因歸牧而感催科慨登瀛之歸外界兩集
之詩篇如此一時之氣象可知若荃孫之於 公也同
治甲戌入張文襄公蜀幕輯書目答問談及京師泰斗
莫如俞潘二公願與一穀以爲介紹荃孫持函進謁優

待逾恆適廁庶常例稱弟子因之立雪程門執經劉學
屢陪飲讌亦侍若談景定之蘇集能窺婁壽之遺碑獲
覩後與掌院不合去官歸田公自挽留之又託順德
師再三達意至今心感休休早指夫中條去去弗留於
上國褊衷自悔往事奚追今訂遺詩猶同覩面嗚呼哀
衣已渺空詠東山零雨之篇寶墨猶存不忘北海琴尊
之集即茲八卷已定千秋門下士江陰繆荃孫謹序

常昭合志列傳

翁同龢字聲甫號叔平心存三子咸豐丙辰一甲一名進士授修撰戊午典陝甘試留學政時猶未散館也甫一年以思親切引疾歸丁父憂服闋同治四年以右中允奉 命弘德殿授讀有勉承先人未竟之志 溫諭

穆宗賓天光緒元年復奉毓慶宮授讀之 命固辭不獲蓋趨承 講幄納誨 兩朝者垂三十年厯官至戶部侍郎左都御史刑部工部戶部尚書加太子少保銜協辦大學士兩入軍機兼總理各國事務遇慶典賜穿帶膝貂褂 賜雙眼翎紫韁 恩賚有加同龢以

世受國恩當時事艱難遭逢明聖投難遺大朝夕
憂勞冀得圖報於萬一其在講帷也於列聖遺訓
古今治亂反復陳說曲盡其理其調和宮廷以聖孝
爲本其闡明政要以憂勤爲先尤能直言極諫造膝事
祕世莫得聞章疏又強半焚稿所可知者請止臨幸
王府請罷修圓明園請省宮禁一切工程免外省傳
辦各物皆蒙嘉納蓋立朝數十年矢誠矢敬有古大
臣風顧以秉性正直爲小人所忌遭讒罪廢朝野惜之
二十四年十月諭旨樞臣王文韶與剛毅力爭以
朝廷進退大臣以禮無編管之理剛毅詭稱出慈聖

意實非慈聖意也同龢忠孝源清讀書靡不貫徹尤
邃於性理屢司文柄擢經術淵通之彥平居延攬人才
虛心下士一時歎爲莫及事親竭終身之慕憂國之心
時見於辭色削籍後廬墓七年閉門思過每念時艱輒
復流涕三十年五月卒於里第年七十五宣統元年吳
中士大夫追念忠清合詞請爲湔雪恩准開復原官
旋予謚文恭所著詩文清超古雋不落恆蹊書法縱
橫跌宕力透紙背有魯公風骨晚年學隸兼迴腕作書
力追靜穆人得片楮珍若兼金著有瓶盧詩稿八卷刊

行餘事編輯

國史本傳
參家述

參校姓氏

俞鍾穎君實

俞鍾鑾次輅

丁國鈞秉衡

龐樹韓祝潮

瓶廬詩稿卷一

目錄

小遊仙十首

辛亥

送吳修來丈下第南歸

癸丑

題魏氏樂賓堂圖

戊午

定興道中七夕同潘鄭盦作

題王蓉洲丈藏宋搨麻姑仙壇記

庚申

送人南歸

壬戌

送鹿卿姪旋里

榆發題壁和尹杏農韻

甲子

道逢村叟詢余家事悽然有作

謁明陵

題四額駙畫

丙寅

題言卓林藏劉文清楷書百家姓冊

題王蓉洲丈商彝圖即書先伯兄詩後

丁卯

送王蓉洲丈觀察閩中

題湯文端公遺墨爲童啓山

移居靜默寺

戊辰

露坐

壽潘貫川封翁

題俞荔峯徵君銘椒仙館遺詩

題許伯緘丈重遊泮宮圖冊

送許誠夫表兄還豫章

題李書農半萬卷齋圖用冊中顧南崖韻

和醇邸韻

再和代倭相國

題張椒雲丈北山歸隱圖次卷中自題韻己巳

題潘椒坡鄧尉讀書圖

題徐蔭軒秋林覓句圖

題徐蔭軒秋林覓句圖

題潘伯寅侍郎渝關望海圖

題瑛蘭坡中丞

菜藏懷仁集書聖教未斷本庚午

題宋搨汝刻

醇邸示近作次韻三首

題伯寅藏瘞鶴銘精搨本

題亡室湯夫人畫冊

次韻題醇邸小像

題桂侍郎曉行圖便面

題張子岡印譜

策馬獨遊花之寺看海棠

辛未

題陸涑文藏汪退谷縮臨褚聖教序

題汪杜林先生金書普門品經冊

同友人遊一粟園因贈

送龐雲槎孝廉南歸

再次蔭軒韻

飲桂廩舫侍郎所口占

次韻潘伯寅阻雨東華門酒家

伯寅賃酒家屋同居次前韻

太息

題張松坪瀟湘夢遊圖

題錢春臺翁遺照

壬申

昨遊靈巖風雨尋韓蘄王墓碑歸寫一圖并題其

後

癸酉

次公屬題費廉卿

寶康笠澤漁隱圖

題十老圖爲陶君成棟

題趙次侯藏石谷畫幀後

徐月槎挽詩

代五兄作

爲姚湘漁題白雲圖敬次 先公原題韻時將北

行

甲戌

贈吳儒卿

鴻綸

時予將入都

次韻贈吳雅庭先生

錫榮

常州道中用東坡元日宿丹陽韻寄惲畹香

菊影

奉
敕作

送吉卿姪之官浙江

題潘伯寅萬柳堂補柳圖

楊協卿母夫人壽詩

甯壽宮賜宴恭紀次潘侍郎韻

題明人寫經寄鹿卿姪

金城圖廣紹彭總憲

壽屬題

題徐蔭軒前輩

桐

松風水月小照

齊集南書房見盆梅一枝紅白雜花伯寅曰向來
白花也有詩紀之次韻

再和伯寅盆梅變紅韻

和伯寅施字韻

次韻鄭金

瓶廬詩稿卷一目錄

瓶廬詩稿卷一

常熟 翁同龢 叔平

辛亥

小遊仙十首

昨夜天書下九重羣仙都住蕊珠宮文昌原屬三能職
何事傳宣南極翁

細挹瓊漿鍊紫霞殷勤種得碧桃花天風一夜都吹盡
卻落尋常道士家

仙家例種玉爲田歲歲璫枝貢九天不道近來雞犬惡
靈苗踏盡草芊芊

霧閣雲窗事渺冥蛾眉無計學娉婷姮娥畢竟人間樣
怎比銀河織女星

石室丹鑪不計年冷雲枯木尚依然一雙青鳥前身福
竊得殘脂竟上天

託根端要傍瑤臺未必仙姿勝衆材祇爲玉皇親手種
大家推作百花魁

豈有青藜照石渠談經劉向竟何如神仙不喜嬌嬈字
錯寫天官玉葉書

不繫腰纏跨鶴還揚州無處是家山桃花開遍青溪路
要遣漁人去叩關

聞道湘君下洞庭
蜺旌翠蓋霧冥冥
數聲霹靂天胡舞
斬取毒龍江水腥

閭風妙圃劇清涼
不願升天便退藏
留取世間真道德
看人揩腕獻奇方

癸丑

送吳修來丈下第南歸

延陵先生山澤癯
羅縷道妙談詩書
醒時狂歌醉溫克
世人不識驚爲迂
計車四度春風裏
不爲微名爲知己
明珠空照海南天
矯矯驪龍今睡矣
鰐生二十京華塵
口銜石闕腸車輪沈
觀徧識天下士如君
質直無其人

春明門外依依柳不斷青山迎馬首江表風濤天地昏
有人獨負書囊走淒絕離筵雙玉瓶醉眼不見辛峰亭
咄嗟老禿將安用歸去勤繙太白經

戊午

題魏氏樂賓堂圖

咸豐戊午初秋奉使秦中將發葆卿上舍以此
屬題倚裝漫書一律

樂賓遺構今何有片楮流傳翰墨功易代衣冠留子姓
百年喬木幾秋風東南復社文章在西北高樓想象中
展卷不勝三歎息東皋紅豆翳蒿蓬

定興道中七夕同潘鄭盦作

燕臺回首樹冥冥尚見西山未了青薄醉豈能消積晦
遠遊終是逐浮名鳳■蟬翼知成夢魚枕鳬燈喚不醒
人事變更誰料得涿州城下看雙星

庚申

題王蓉洲文藏宋搨麻姑仙壇記

顏公真書變小篆窮極開闔含剛柔仙壇大字傳本少
而此細楷尤難求子固作詩歎小缺後先著錄陸與歐
春雷轟殘吏橐去縱有妙蹟誰能收西臺嗜書得顏髓
獲此片楮珍珠璆較量銖黍妙分布刻畫絲髮煩雕鏤

纖纖旁舒蚊脚趙落落外裹蠶尾鉤橫空真氣不易到
不獨波磔中鋒道南城圖經今寂寥遺壇半圮杉松稠
元宗好奇感神迹天寶五載開靈湫是時東京盛羅綺
雲窗霧閣通綢繆驪龍已睡猿鶴歎文字雖好江山愁
麻源水深不可涉丹霞洞壑阻且修公書此碑亦何意
會知日月如奔流蓬萊方丈彈指變惟有忠孝垂千秋
小齋夜寒燭花燒摩挲翠琬春雲浮容翁周容齊丈已矣暖
叟去何子貞前輩墨緣聚散波中漚卻題此詩三歎息公乎

千載真悠悠

壬戌

送人南歸

急景何崢嶸窮陰正凝沕啾啾鳥失羣瑟瑟葉辭樹君
今浩然去別緒渺難訴豈不欲留君知君不可住鸞鳳
重鎔翩騏驥屢紆步行矣勿復言儒冠信多誤疾風吹
衣裳旅次多霜露努力加餐飯無爲嗟日暮後會自有
時待君金臺路馬首西山青勸君一回顧

送鹿卿姪旋里

汝來我即駕征駢我到京師汝又歸此去正當暮菜熟
重來應見杏花霏傳家詩禮宜遵訓滿地干戈慎見幾
行矣勉旃須強飯莫教風露上征衣

甲子

榆發題壁和尹杏農韻

送爾出門去秋風生袂衣好詩留我讀舊夢已全非世
事翻碁局清談鑄鐵圍橐銜新置邸應恤固邦畿
辯巡終不復堯德至無名未忍誅張禹何曾逐賈生
艱難丁國運水火軫皇情莫勒中興頌雲霄憾未
平

道逢村叟詢余家事悽然有作

叟李姓固安鄉人言曾遊余鄉詢余家人名厯
厯蓋向充報子屢至余家也

溫公五畝宅汝亦屢經過喬木今何在吾生可奈何
雀羅原見慣葛帔亦人情白髮何村叟能呼小子名

謁明陵

萬山環拱控邊門玉座荒寒草木尊種樹村民餘匠氏

居民日某陵匠某陵監

賣茶野老是王孫

聖朝屢下修陵詔易

代誰思踐土恩手挹寒泉薦蘋藻杜鵑未敢賦招魂

丙寅

題四額駙畫

醉邸所藏

十年拓戟侍金門玉鐸銅鑱舊夢痕猶見君侯瀟灑意
短煤和赭寫江村

紙尾曾無字一行故人珍重爲收藏煙江疊嶂依稀是

誰記王說寶繪堂

宋駙馬都尉王晉卿善畫
築寶繪堂東坡爲之記

題言卓林藏劉文清楷書百家姓冊

諸城筆勢近鍾虞六十年來抗手無參用北朝碑版法

平書精論是安吳

吳越遺編北宋書九煙排次復何如

百家姓乃吳越時人撰見陸游郊居

詩注明周九煙有重排本東南文學先賢啓數典何忘溯厥初

從陽榜字化爲煙江左風流已渺然人物豈因門望重

安危端賴出羣賢

丁卯

題王蓉洲文商彝圖耶書先伯兄詩後

焦麗傳烽寶氣銷雲雷無力壓春潮茗香堂外花陰密
莫使虹光切斗杓

古文雖質有益蘊爰厯凡將未足名我愛晉江陳給諫

陳頌南釋首一字曰舉

引禮記謂之杜舉以證自箋自疏爲分明

又到春燈椒酒邊

齊遺集忍重編

先伯兄著齊雜志待刊

世人

漫著三劉譽貢父能文未必然

送王蓉洲丈觀察閩中

春星纖纖雪花白如海齋頭夜送客客言庭樹尚扶疏
昔比人長今百尺

介人寓舍藝齋先生曾居之庭槐其手植也

月櫺風幔開

長廊舊巢尚憶紗縠行畫圖約略寫陳迹幅巾瀟灑重
升堂此堂此樹終誰有且喜吾儕共樽酒百年喬木見

孫曾三世淵源重師友乾嘉以來溯邑賢海州蕭縣相

後先先祖任海州校官藝君嘗與
先生爲蕭縣訓導夜堂沈沈花市屋

君嘗與
先公同寓

春風汛汛胥江船又與伯兄
同上計吏法曹七載連車騎手檢爰

書共諮詢一語能推佛海波萬金難抵雲天誼

餘爲刑
官時嘗

治獄失平
君捄正之我今入直明光宮微涼獨詠誰與同翔仗

下不忍去殿角立盡哭恩風看君持節還鄉里父老將

迎路人喜慎勿輕爲轉海遊桐江波軟輕舟檣嶺南人

物工詞翰可惜溪山餘獮悍濂洛真傳閩學多本朝

閥博安溪冠寬厚廉平孝且慈使君真是吏民師它時
徧校元豐稿豈有長箋貢荔枝

題湯文端公遺墨爲童啓山

語徹天人自灑然無言無隱本非禪念臺一去姚江遠
此境蕭寥二百年

森森真氣逼歐虞餘事雄奇世已無猶憶棠階花似雪
樽前親寫主賓圖已酉之春公招飲賦詩圖主賓之位以列坐龢亦與焉

高文商略意何窮細楷還推後輩工誰識醉翁門下士
白頭憔悴老牆東

戊辰

移居靜默寺

何處卜吾宅西華舊僧廬僧廬夙所愛況是先人居
入門見松柏再拜肅以趨先人舊遊處草木皆怡愉
嗚呼鮮民窮失蔭耕蘖孤孤兒亦何事辛苦一束書朝
吟和粥版夜諷隨鐘魚兒髮日以縞親骨日以枯悠悠
覆載內容此不肖軀吾皇方嚮學中原多艱虞未忍
便決去撫衷兩躊躇躊躇勿復道努力還邱墟慘慘古
佛顏助我長悲吁

露坐

追涼依佛樹靜覺此身輕螢火只一瞥蚊雷空萬聲伏

秋爭王氣星月殢人情惟有幽居樂翛然未易名

壽潘貫川封翁

泗瀾其子衍桐均官翰林

玉署羅羣彥君家著二難盍簪朋輩喜衣錦路人看簫
地騰駒足巢林老鳳翰眉山隱君子何日到長安

不數三公貴封翁尚黑頭

五十五歲雙壽

揭雲綿舊德進士公

著揭雲齋集學海重名流漫著閒居賦同移仙侶舟蓬山多

杞菊更迭獻觥籌

題俞荔峰徵君銘椒仙館遺詩

日落虞淵際回車腹痛時傷心看遺集猶有白蘋詩

題許伯穀文重遊泮宮圖冊

二許才名動都下

嘉慶中先生與先公同在都下皆以詩鳴

不應憔悴

鄭台州碩寬堂集

分明在應向孫子

瀟吳竹橋

放一頭

白鬚紅帶路人扶

鶴骨家家有畫圖

我作柳州先友記

江湖佚老近來無

先生爲先公執友

惻惻西風上客裳

掩蓬重炷影前香

鸞宮弟子垂垂老

早被人呼白髮郎

先生重遊泮宮之歲
蘇補博士弟子員

送許誠夫表兄還豫章

久別無書問相逢

有淚吞白眉猶昔日

有白髮壽骨是

吾昆經亂生涯薄

傳家德望尊桐鄉

祠墓在誰復卹王

孫

嗟我何爲者。儻然此獨行。父兄雙擲重天地。一舟輕朝
寧。蒙恩禮關津。問姓名。長途最棲屑。賴子慰親情。

好在潯陽水。孤帆奈爾何。江山才士賦吳楚。寓公多努力。
持門戶。何時返澗阿。贈言吾豈敢得路。莫蹉跎。

題李書農半萬卷齋圖用冊中顧南崖韻

扶護還邱園。潛焉問家室。豈無誓墓志。王事有日月。遺
書三萬卷。兵燹百無一。可憐柱下史。乃自竈觚出江山。
色悽愴。城市氣闔溢。競尚紈綺飲。誰知壁經漆峨峨。李
膺門表表樹雙闕。乾嘉諸老輩。樸學渺傳匹。洪鐘發鏗
訇。圭瓊薦芬苾。文辭麗以則。考訂密而質。津逮東南人。

擎經知務實儀徵與高郵高弟最超軼訓故得師承後
生慕儒術以上謂奇先生孝廉守貽訓早歲究理窟名高志
不展天道固難必畫圖寓深意要使塵編拭眉山有軾
轍門戶願初畢奈何仲又弱嫠緯嗟誰恤指少農遺離好眉眼玉齒十六七流涕易之學令名矢勿失江城風雨
惡五噫致愁疾自歎一腐儒依然老寒乞

和醇邸韻

磐宗欽柱石環衛裕經綸鄭重先朝詔留貽夾輔臣雲
霄遺志恫日月聖功新一昨宸章掞欣聞大義陳光輝
由學積福祿自天申下士慚窺管傳家忝折薪蘇之先人嘗授

經內
殿披肝期報國束髮志安民願紀周宣績威棱聾海

垠

再和代倭相國

大哉天語煥萬象盡彌綸

御製曉日詩有光輝萬象增句

尤喜屏藩地

長資社稷臣忠誠真懇款詩句最清新鴻寶何曾祕幽
風取次陳辭危心轉切論正義重申紹復思舅樂居安
懷曆薪累朝神武業率土聖人民何以酬宵旰皇靈震

八垠

己巳

題張椒雲丈北山歸隱圖次卷中自題韻

鄜廷重見范希文
遮道難留舊使君
故老尚思祠召父
小生竟欲更朱雲
三千里外家何在
十八盤頭日未曛
且買山田作歸計
不辭澆確爲耕芸

宣廟初元侍帝闈中朝耆宿幾人存
柳州記已題先友公與人交最早先
洛下居還戀主恩四海旌旄多僕隸
冊年臺閣半兒孫猶餘白髮通家子來過
先生畫舫軒公居八窗洞達

有類
畫舫

題潘椒坡鄧尉讀書圖

文社聯吟日寒廳夜話情蒼涼成往迹蹭蹬惜才名江漢
征鴻去雲霄仗馬鳴便傾千斛酒何以贈君行

此別知誰健還山奈老何小詩隨手寫真意故人多鄧
尉平生約靈巖夙昔過買田吾未暇先擬伐蛟鼉指湖中近事

題徐蔭軒梅屋讀書圖

夜氣空明萬籟沈掩書不讀且長吟天容月色無從寫
略綴幽花意自深

疎星澹月繞孤棱 玉殿趨班午夜興傳語諸臣勤講
肄 九重早炷讀書燈

鐵骨森然自不孤幾人天眼識清癯墨池尚有蛟龍氣
請詠先生觀復圖

題徐蔭軒秋林覓句圖

長安城頭一睥睨煙樹浮天樓閣麗蒼然秋色何處尋
來自空濛有無際三年禁近華髮生十丈縑塵素衣
敝強將章句解古經豈有危言效忠計邊隴猶驚鼙鼓
聲殊方頗怛冠巾製蟲蟲秋旱金失穰習習融風玉空
瘞愁來長嘯祇自喟獨詠新詩苦難繼觀復道人吾所
敬蔭軒自號
觀復道人阿蘭那行佛之諦君題齊楊曰
阿蘭那行般若淨土

留一燈倏忽風輪轉千偈由來忠孝根性情匪獨詩書
資獻替秋林無人渺萬象妙句橫空入超詣張君作圖
意蕭瑟尹子題詩語淒厲謂杏驛歸俯仰屬車前猿鳥

得使水雲裔一官進退計甚便萬頃蒼茫用誰濟水西
煙柳綠成海君所居在河西鄧尉梅花舟可柂它時再寫覓
句圖添箇白頭老漁弟

題潘伯寅侍郎渝關望海圖

朝辭天北斗暮看海東霞龍輔司空節雞棲使者車君
就道環瀛隨地窄古驛控山斜奇絕張融賦應知勝木
華

勃碣關山壯營平道路難誰言船算事又設水衡官新
改監督爲海關道戰伐今藏甲功名老伏鞍鳴笳無限意送客
過盧濡濡師古音乃官反當入此韻即瀘水也

庚午

題瑛蘭坡中丞藏懷仁集書聖教未斷本

墨花膩帶古苔痕切眼珠光未易論何事良常矜斷本
近來惜抱有名言

姬傳謂集書多兩字湊成者證以正

曠二字皆右軍家諱而此不避並論

大 唐三藏標題之謬版依七佛時開卷寂寞孤雲晝閉門猶喜春
燈照顏色一筇閒過海王村

時中丞罷陝撫職閒居余與之素未識面中丞好於

厥肆搜羅書帖故及之

題宋搨汝刻

十卷一冊瑛中丞藏

潭絳臨江外巋然此刻真古香南宋搨殘字北齊人

第八

卷齊樊遜書遜字此搨尚可辨乃北齊樊孝謙也今所行僞絳星鳳樓諸帖誤作南齊樊退乃從泐後汝刻摹

耳官本藏書髓衙齋賸石鱗

汝石殘碎者在分守河南道署中

國初辟邪

天祿字瑣屑漫重陳

帖乃州輔墓前石刻

我家蕩陰本

七世祖蓼野公得古搨汝刻於湯陰傳爲世寶庚申江南亂後失之

銷盡劫

餘灰城郭猶全改籤厨忍再開漁梁久塵土

帖有巴慰祖小印巴

此本舊藏新安

漁梁人也

此本舊藏新安

汪氏譚藻閣

誰寫逋仙象無端易

畫來

葉東卿嘗以宋人畫林逋象易得汝帖前四卷

醇邸示近作次韻三首

客路曾經勃碣東上書無策負深衷藁街置邸今通款
鐵軸摧輪夙著功

謂已未破敵固應資利器人謀終可年戰事

奪天工畫圖未敢輕傳播鄭重然犀一炬紅

雷水

鳳城春動玉河源下直歸來自閉門懷刺不妨名士傲
曳裾誰說布衣尊破除俗例知真契傳寫新詩過格言
若使文侯還命駕故應干木早踰垣

上齊相約不賀年有詩紀事

我愛山谷句寒香發無時山礬與梅花遜此天人姿一

笑大江橫妙語偶得之

山谷水仙詩語

蓬萊不可到孤負瑞臺

期謁來京國春花事常苦遲憔悴益瞿中根葉紛離披

浮浮日華煦盎盎水氣滋宛宛擢孤穎龍龍吐芳蕤窖

花爛似錦收掇肯見遺惜哉歲寒心耿獨空自知陽和

東衆卉大造豈有私孰云空谷香祗與騷人宜勝彼炎

海植竟向青瑣移賢王夙悟道示我寒花詩澹語寫幽

致意恐居高危出入白蘇閒直令讀者疑微生等草木
衰鬢已若斯每於鼎象初取戒六四頤一花何足道庶
彙須護持冬旱麥苗病一溉儻可醫

水仙花

題伯寅藏瘞鶴銘精搨本

華亭華字露大半
裏字藏乎字皆有

多事良常寫作圖較量分寸失名殊江潮洗出碑趺字

自古文人考證疎

殘畫封蘿古墓邊蕭梁碑錄漫重編

莫子偲近
輯梁碑錄

誰能沈

石空江底留與中冷證墨緣

蜃氣連雲草樹深此山無地瘞仙禽裏耗煮墨尋僧話

銷盡江南獨客心

余於戊辰冬泊舟蕉麓
風景殊異江山淒然

題亡室湯夫人畫冊

語苦詩難盡愁長夢轉稀
鐺殘煎過藥篋黯嫁時衣會
合知前定分張感昔非
臨終留一偈了了豈禪機

臨終握余

手曰爲臣當忠爲子當孝

竟死嗟何益浮生祇自憐營齋誰是佛卜墓又無田孫
解贍遺挂姬能剪紙錢老夫歸直晚展畫一潛然

次韻題醇邸小像

亮直端嚴大體持萬民所賴四方維殊恩久已隆三錫
累疏猶聞倣十思試展畫圖知有志等閒詩句亦無欺
俗工豈識丹青妙會向麒麟閣上移

從來德業貴操持
抑抑常嚴禮義維
學到反求方是學
思如不合且深思
先朝彝訓求無忝
入告嘉謨矢勿欺
更願賢王調玉體
憂時容鬢已潛移

題桂侍郎曉行圖便面

十年斑橐老征途
手數青錢付酒壚
記得霸州城下路

擔夫同宿夜呼盧

嘗于役文安霸州逆旅略如圖中景象

關吏譙訶問姓名
開門何止待雞鳴
畫師慣寫承平景
野店山橋自在行

早行詩句知無數
唐宋于今幾輩傳
只有曉風殘月曲
教人腸斷柳屯田

駝褐輕轎逐暗塵東華門外往來頻紅紗籠燭趨朝客
爭及村墟趁曉人

題張子岡印譜

璣南京人
事母至孝

寸銅鑾龍虎筆勢故蒼然直溯卅五舉挽回三百年心
情哀郢減指集中鴻
敬諸作詩夢過江圓誰著浯溪頌躊躇未

忍鐫

丁敬陳惺黃叔趙灝鄧石如各擅畫書詩一落印人傳千

秋俗子疑先生古曾閔餘事學冰斯漂泊儀徵老滄江
寄夢思江南善篆刻
者吳讓之

辛未

策馬獨遊花之寺看海棠

朝回日日西山暮火急尋春春已殘裝點不成泥塑像
短衣飛鞚太無端

乾嘉以後詞流盡莫問城南掌故花

詞流百輩花間盡此是宣南掌故花

近人龔璛人贊有老船詩句在斷縑殘字補窗紗

湛然清絕穎沙彌眉宇中含一段奇乞與天龍瓶鉢水

要渠洗盡海棠詩

題陸凍文藏汪退谷縮臨褚聖教序

閒窗一灑三千字中有吳天風雨聲

款署康熙四十年五月雨窗愧

煞京華塵土面竟紓青綬老承明

豐筋多力攫秋鷹此是先生獨擅能眼角不曾留海岳
故應低看趙吳興

自跋謂僅到臨波

吳聾憔悴老還貧偈語題辭句法新

謂吾友儒卿

一事後來

資考證破山寺裏讀書人

吳跋謂松南曾與汪杜

伯公邵味閒讀書破山寺

題汪杜林先生金書普門品經冊

吾邑邵震亨藏

云何是佛佛親兄弟

冊尾爲二親百齡之健兄弟安樂

妙吉祥花萬種

歡喜云何見佛心上著力念念勿疑處處踏實海潮發
聲虞山出雲瓔珞寶珠回旋氤氳歸哉歸哉佛說如是
六街飛蓋真閒事耳

先生登第紀恩詩有六街飛蓋渾閒事十里看山好畫圓之句

同友人遊一粟園因贈

一粟園中泛玉卮，海棠梨初放。柳眠時同依舜陛，趨朝早爲講幽風退直。遲青瑣已分新舊雨，蒼松宜長子。孫枝而今海鶴精神健，說與鶴鸞總不知。

送龐雲槎孝廉南歸

久別語音在，相看毛髮同。茶甌吳市月，官燭縣庭風。往事猶堪說，新詩豈必工。聊將白團扇，送子過江東。

再次蔭軒韻

落落吾徒事風期，夙昔同成書。推薛子朝論，惜溫公謂良國峯相歲月。崢嶸去湖山，想像中自憐。新卜築，翻近鳳城。

東

風雨何時已漂搖未有家浩歌腸轉轂默坐鬢成華棧
馬猶騰軾江鷗漫狎霞香羅與細葛捧出路人誇

飲桂廉舫侍郎所口占

不堪衰鬢已蕭蕭手把芙蓉賦大招側著接羅歸去晚
疏星斜月玉河橋

次韻潘伯寅阻雨東華門酒家

自笑鴟夷託屬車酒人伍伯漫相於低顏慣對屠牛案
照眼驚看舞鳳書伯寅奉敕重排星鳳樓帖徐孺居然懸一榻陶

公到處愛吾廬不妨同醉仁和肆換卻腰閒金佩魚

伯寅賀酒家屋同居次前韻

朝回日日阻輕車喧雜軒窗衆所於小吏漫欺曹相國
鄰人解愛畢尚書偶談天寶中年事頓憶澄懷舊直廬
聞道蒿萊侵浴殿更無人問玉泉魚

太息

太息頻占鬼一車無根白舌故於於微聞弱水三千界
亦效單于尺二書象譯又開新市舶賈胡占盡好田廬
韓公老去雄心戢只有文章告鱣魚

題張松坪瀟湘夢遊圖

洞庭浮空大圓鏡九疑剗天劍鉛淨山川靈氣在塵寰

魚鳥幽人同一性岳州太守賢大夫吏才詩筆當今無
世人驚歎石門頌君藏宋揭石門頌不知乃有瀟湘圖瀟湘之

圖紀夢作二十年前一邱壑珠幢玉節主恩新班竹若
花故人約江山隨君入扁舟在在處處皆昔遊醉中客
爲說天姥前生我亦來杭州虛堂涼氣砭秋骨倦眼題
詩字恍惚夜來日日尚湖濱明朝還趁觚棱月

壬申

題錢春臺翁遺照

吳越之孫千波萬瀾世挺偉才捍灾禦難翁生海壩雄
武稱冠雕弧一彀革札雙毋遂登右科淳攝邦翰位不

副才初服乃換儀昔先公退居里閈蕭條雀羅日午未
爨翁來叩門樂飲衍衍幅巾森然突兀修幹口如河流
目電旁爛紅橋之南窈窕別館象棋六博二八侍案余
時童嬉亦嘗窺觀削瓜導米餉我玉餐古歡已矣者舊
雨散遺容火色猶照赤岸翁乎歸來余言豈謾

癸酉

昨遊靈巖風雨尋韓蘄王墓碑歸寫一圖并題其

後

山鳥不啼野花如睡灑淚搘碑何人理會

次公屬題費廉卿寶康笠澤漁隱圖

我非散人敢說三泖矮蓬短棹避彼魚鳥

三泖之東蛟龍所宮我不能取我心忡忡

江君之詩暖叟之辭我心所儀繫豈我私

題十老圖爲陶君成棟

明明上天赫其鑒臨爰有斗極分陽育陰方士術者用以祈福君子事之旦明齋邀昔我曾祖孝思格帝親呻在牀兒鸞厥臂神之降兮穆乎沛哉九枝明滅八凶闔
開先曾祖贊庵府君以親疾補於此斗得異夢封臂以進

解益虔以洎小子嗚呼明神繄豈我私惟忠惟孝天實

右之釜山之南有閣岩堦穹龜長魚百靈翊朝是日紫

宮璇璣之府。況惚有象。冲虛無所誰實建之。蒼溪金翁管丁陶汪吳。何是同乾隆初元海內無事。怡怡十老講道論志。惟茲性真。萬途一源。雖十其形不二。其言良工。寫圖須眉甚古。白鶴青松若喜若舞。十老之心充於六虛。下極無竟。上通帝樞。滄江倒流。百族波靡。圖失復歸閣。亦重峙敬告。邑子式是。前賢新閣。不朽斯圖。永傳。

附節錄陶君成揅函
圯金蒼溪先生等十人醵資重建名曰西竺道院
時集院中修身論道並繪十老圖以勉後人圖經
兵燹失而復得今院中猶年年懸之以祭
者丁昇紱管爾尊陶堯吉堯天金惠聲赤城汪殿
捨吳東瀛何甘白金蒼溪也蒼溪名照字魯軒圖
其所繪

題趙次侯藏石谷畫幀後

清秋落葉言訪趙子叩門入室繙弄圖史次公語我有
石谷畫一十二幘合南北派我時驚歎誇爲絕獨次公
中恪示我六軸平生談畫麓臺是宗石谷過密漁山太
濃然於石谷固當別論晚年自運老筆最健或疑此畫
是蔡是楊我曰不然中有古光春江掀天萬檣如馬京
口一閣與波上下是時耕煙年八十三心騰千古眼空
江南筆勢所向紙墨不受煙雲吐吞水石奔走古春之
堂素壁如雪一幅已滿何况重疊次公藏之同龢題之
客有疑者來觀此辭

徐月槎挽詩代五兄作

陰德由來不近名况兼才氣極縱橫力持公論羣疑剖
散盡私財善舉成華髮人呼鄉祭酒飯心日禮古先生
泊然一逝無多囑早有文壇雛鳳鳴

廿年蹤迹似萍蓬投老相逢里巷中辯口未輸當日健
酡顏還較昔時紅烹羊剛赴高齋約賦鵬俄驚客座空
短景寒冰正悽惻那堪鄰笛倚西風

甲戌

爲姚湘漁題白雲圖敬次 先公原題韻時將北

行

子出當夕歸親心一日思親今捨子去思子安有期嗚呼天地恩乃與歲月馳誠薄感召淺夢寐豈見之伊昔侍御君邦人夙所儀作圖寄哀慕實與令名貽可憐城南居緣苦淒空闌惟餘白髮弟考槃猶在茲卅年一彈指死喪亦孔威相逢共汎瀾繫豈朋友私示我白雲圖不忍綴一辭白雲在何處已矣鮮民悲

墓廬對空山慘切無所思卻憾墓下人苦同行役期孱軀追多難焉能任驅馳庶幾守一壑日夕維繫之青松不成行雜樹未有儀手書三千字永作先言貽以墓下事付兄子曾昔我先君子棄官奉慈闌麻鞋血重趼始得卜宅築

茲中更喪亂苦頗遭兵燹威風雷護高冢山神赫無私
野花與啼鳥憐我別墓辭別墓猶得歸思親無窮悲

贈吳儒卿鴻綸時余將入都

故人惜遠別索我一幅書我書雖不工點畫頗有餘重
是故人意抽毫復躊躇墨池忽放光照我眉與鬚天地
久衰颯儼容亦瞿瞿嗟我四十五髮白已蕭疎卻更三
數年豈不委壑渠恐傷故人心對書長歎歎還君白雪
牋鄭重當何如

我衰不足陳子老亦可唁頽然一聾翁顏色爲我變勸
我及秋行要得數相見嗚呼遊子心一日幾回旋裝我

篋中書書斷不成卷檢我篋中衣衣綻誰與縫日月固
有時哀哉亦既練平生輕別離有淚常默嚙惟有告墓
辭百靈共悽戀

次韻贈吳雅庭先生 錫潔

蓬蘽荒扉日暮投江村無事繫扁舟人來盡問侯芭字
老去翻持卜式籌有子聲名期幼鳳寓公身世等浮鷗
莫邪城畔煙波冷猶喜虹光照海陬

常州道中用東坡元日宿丹陽韻寄惲畹香

十年結契重朱陳傾蓋河梁覩面新數語便傾湖海氣
一杯且泛洞庭春君如老鶴猶能舞我歎枯魚已不辰

獨恨過江風太急會稽誓墓又何人

菊影

奉
敕作

底事繁花錦繡稠一枝瘦影倍清幽無言更覺秋容淡
有韻還疑露氣浮細瓣扶疏鑑下出重臺穠豔鏡中留
孤芳晚節真高逸端合良金寫象求

送吉卿姪之官浙江

送汝江南去悄然思昔遊夜燈讀書館秋榻見山樓仙
李根何在姪與余皆從李師遊
師久下世今無後青桐花已休謂絃卿姪
桐花館其集名惟餘閒竹石猶有舊風流

十載依親舍三升肛帝庭國恩詢魏笏家學重韋經班

馬同時發兄蒞楚任
姪獨南行征鴻各自聽莫言違定省江暖好

揚舲

題潘伯寅萬柳堂補柳圖

平橋流水古城隅廉相園林迹已蕪不信此堂真萬柳

且看我輩第三圖

朱野雲有訪柳補柳二圖

朱陳修禊頻來往翁阮

題詩今有無最憶蕭山觴客處短轔輕杖路人扶

己酉春夏

屢陪湯文端公游謫於此

長條斫後換新枝要插樊籬好護持萬事盡如裁柳法
一官難得看花時君方左降再入翰林琴樽小集人還健裘帽來
遊我已遲不用張羅且沈醉問誰能解鄭盦詩

楊協卿母夫人壽詩

鄴侯里第舊書倉

謂致堂年丈

玉鏡珠闌盡弃藏四海競稱

楊氏本一家不載越中裝即今史筆傳家學行見孫枝
播國香愧我往還頻倚掉未遑親拜絳紗堂

織具甌衣用意新儻紆金印定名臣深慈久已孚三鄙

餘力猶能活萬人鶴髮松身千佛頌帝鄉臣里一時春

時恭遇
甯宮慶節
慈懸知九秩稱觥日定有恩言下玉宸

甯壽宮賜宴恭紀次潘侍郎韻

未央東畔景雲臺天子親扶玉輦來口敕乍宣丞相入

於階前
召對樞臣
牙籤未許舍人催清歌妙舞同民樂火樹銀

花徧地開獨有臣門恩最渥聯裾分得

御香回

臣兄同爵

同時入坐

附五兄作

西廊坐處接南臺

與副憲童徽研接席

彷彿鈞天入夢來

溫室已吹葭管動

極暖三日皆

雪途未覺簡書催華鎧

錯采鼇山湧宮扇分班雉尾開願與宣揚

仁孝

治不徒同賦紫雲回

題明人寫經寄鹿卿姪

薄海同瞻大藏經法王龍樹竟凋零雲中金臂何曾現

世上酡顏喚未醒

黃花開後雁南飛一棹江南客又歸五兄莊任曾純還家只有東華老居士冒寒持燭檢朝衣

柏古軒中柏子禪問渠信行可清堅炬風刀蜜銷除易回向心光須十年

休將慧解證前因捏眼生花未是真佛法本來天樣大強修公據爾何人

說了中乘說下乘散堂我是打包僧明知苦語多饒舌要使人閒有一燈

金城圖廣紹彭總憲

壽屬題

康熙丙子高郵被水州牧金君晝夜禦水城得

以完一時題者皆名人

南臺使星照東井十日向留侍禁省

總憲方奉
使入蜀

臨行示

我丈圖中有波濤聲萬頃作圖者誰金大夫築城捍水忘其軀吏民并命蛟龍避儀觀長留名字無康熙初元河患始鑿輶巡方親蒞止微禹疇成萬世功當堯亦有頻年水是時治河推靳公中河創論才力雄惜哉高堰東西決竟使淮流南北通淮流本有淘沙力爭奈黃流日相逼藉使重堤果築完誰云清口無淤塞丙子乃年靳公之沒久矣此不過推本言之耳三十六一從倒塘輓運艱洪湖吞吐荆塗山并將三十六陂水蓄入淮揚徐府間近來羣公習河

事曾馬張丁互諮詢三策平生笑腐儒一言深契欽賢

吏

余嘗遇馬端敏公於寶應湖畔公言治黃必先導淮

嗟余屢躡過江舟獨客難

爲借箸籌閒吟覽社隣月冷嘯淮陰市上秋披圖不

覺驚心魄况有遺詩珍手澤西舫淒涼池館荒北邙迢

遞雲山隔

卷有卯作於澄懷直廬先公題詩辛

南臺直節古名卿鄭重

題詩爲贈行風塵才俊知多少要使輶軒達姓名

題徐蔭軒前輩桐松風水月小照

朝衫只作衲衣看靜裏渾忘宇宙寬賈傅文章長歎息

龐公兒女大團欒賣田施藥真廉吏退直鈔書好長官

斂盡神鋒全不用果然人世有龍鸞

一笑前言恐未真，朝朝紫陌輾香塵。
可憐弄月吟風客，還作挖泥帶水人。
君最愛同不詭俗異不傷物二語
榮枯遍歷亦前因，因仙書題榜非無意。
齊中清風明月四大字仙人所貽也
要使清時早乞身。

齊集南書房見盆梅一枝紅白雜花，伯寅曰：向來
白花也有詩紀之次韻。

瓊窗北望殿帷縑，秉筆詞臣痛不支。
絕筆俄驚秋影句，今年九月被殘魂忍對歲寒姿，縑衣偶爾來三宿，血淚召賦，菊影無端集一枝。憐爾孤根太枯槁，問誰還向玉階移。

再和伯寅盆梅變紅韻

有何心緒賦梅花
幾箋盆一歎嗟凡卉尚知根有血
浮生敢惜鬢成華
忽驚繡葆參仙袂已誤金丹作玉砂

千古詠花無此例白衣來過賣漿家

伯寅齋居借東華門酒店

和伯寅旒字韻

玉几驚承被冕旒千艱萬阨一時休微軀甘作蘭亭殉
清血徒憑杜宇流饋奠已更猶似夢上書無術敢言愁
麻韞風雪橋山路早有神光燭帝邱

時奉命相度山陵

次韻鄭盦

上陽宮裏白頭人眼見宮花日日新野老不知天寶事
錯疑宮怨是傷春

回首觚棱咫尺天每聞鐘鼓一潛然可憐香案持書吏
已似昌明解艤船

瓶廬詩稿卷一